

[*en marge*] Ecclesia proparochialis sancti Caroli de Avapessa

Die 24 mensis iunii 1686.

Praefatus dominus Pellegrinus visitator qui supra (etc.).

Visitavit ecclesiam proparochialem sub titulo sancti Caroli de loco Avapessae, non consecratam et liberae collationis, cuius ad praesens est rector reverendus Fortius Costa de Cattari, percipiens in annuo reddito libras 200 circiter ex fructibus terrarum, ex decimis, primitiis et oblationibus.

Visitavit sanctissimum Eucharistiae sacramentum, asservatum in pixide argentea quoad cuppam, in reliquis ex aurichalco, et intus est deaurata, intra tabernaculum ligneum, [155v] quod mandavit desuper aurari in partibus in quibus bracteatio avulsa est, intra annum, sub poena arbitraria (etc.), et asservatur in altare maiori, ante quod ardet continuo lampas sumptibus operae pro fabrica ecclesiae.

Adest umbella et lanterna pro deferendo sanctissimo viatico ad infirmos, et dictum est quod adhibeantur in praedicto ministerio ad minus sex lumina.

Visitavit fontem baptismalem in vase marmoreo cum ciborio ligneo, in quo asservantur sacra olea chrismatis et cathecumenorum in vasculis stanneis ad formam. Ordinavit imaginem sancti Ioannis Baptistae poni prope fontem intra duos menses, sub poena arbitraria (etc.).

Vidit oleum infirmorum in vasculo stanneo, quod custoditur in banco sacrae suppellectilis in propria tamen mansiuncula, quod fuit toleratum.

Sacrarium est retro altare maius in loco minus apto, et ordinavit aperiri prope fontem baptismalem sera et clave muniendum intra annum, sub poena arbitraria (etc.).

[156r] Sedi confessionali ordinavit affigi chartulas bullae Caenae, casuum episcopo reservatorum et alicuius imaginis piae intra quatuor menses, sub poena arbitraria (etc.).

Visitavit altare maius, quod manutenetur sumptibus operae pro fabrica ecclesiae, quae nihil habet certi, sed percipit contributiones quae fiunt per familias quando opus est facere aliquas expensas pro servitio eiusdem altaris et ecclesiae, quae administrantur per unum officialem qui dicitur sanctorius, qui quotannis eligitur et in fine officii reddit computa coram reverendo rectore, ut ipse praesens testatus est. Ad illud est erecta societas sub titulo sanctae Crucis, cuius confratres faciunt multa pia opera ad exemplum aliarum parochialium in hac regione sitarum, sed non habent regulas; propterea ordinavit pro bono regimine eiusdem societatis praedictas regulas componi,

episcopo Aleriensi offerendas pro reportanda approbatione et canonica institutione eiusdem societatis.

Visitavit sacristiam et ordinavit provideri [156v] de casula, stola et manipulo albi et nigri coloris intra duos annos.

Visitavit altare sub titulo sancti Caroli, fundatum et erectum sumptibus et devotione populi. Nullos habet redditus nec onera et manutenetur ab opera pro fabrica ecclesiae. Ad illud recitatur ter in hebdomada corona sanctissimi Rosarii. Praedictum altare est satis decenter ornatum, propterea nihil ordinavit.

Corpus ecclesiae est decens.

Aedes canonicalis est commoda et bene tenta.

Vidit libros parochiales et ordinavit provideri de libro status animarum renovando de triennio in triennium et de libris piorum legatorum, confirmatorum et bonorum, iurium ac sacrae suppellectilis ecclesiae.

Animae in totum sunt 138, ex quibus communicantur 60, et omnes paruerunt praecepto.

Populus negligit audire doctrinam christianam, propterea ordinavit reverendo rectori expellere a sacramentis ignaros elementorum fidei.

[157r] Legata pia non reperiuntur in dicta parochia, et quatenus essent de eis non habetur notitia, cum legata tradantur non parochio, sed cancellario episcopali.

Functiones parochiales fiunt de more.

Concio etiam habetur, et in populo non sunt publici peccatores.

[*en marge*] Ecclesia campestris sanctissimae Virginis Assumptae

Die ea.

Praefatus dominus Pellegrinus visitator qui supra (etc.).

Visitavit veterem ecclesiam parochialem campestem sub titulo Assumptionis beatae Mariae virginis, in qua non amplius fiunt aliquae functiones nec custodiuntur sacra suppellectilia, sed solummodo celebratur missa in festo titularis dictae ecclesiae et aliquando etiam pro aliquo

benefactore, et tunc a parochiali deferuntur omnia necessaria ad sacrificium missae peragendum.

In dicta ecclesia vel prope ea in caemeterio sepeliuntur cadavera defunctorum eiusdem curae. Praedicta ecclesia manutinetur sumptibus operae ecclesiae parochialis. [157v] Ordinavit eiusdem parietes incrustari et dealbari a parte interiori et in caemeterio erigi crucem. Quae omnia (etc.) in termino quatuor mensium (etc.); et ordinavit quod imposterum non possit rumpi pavementum ecclesiae occasione sepeliendi in eo aliquod cadaver sine licentia episcopi in scriptis obtinenda, et qui contrafecerit per se vel per alium sit ipso facto excommunicatus (etc.).